

# Insaniah diperuntuk RM7.3 juta bina bangunan tambahan

ALOR SETAR 10 April — Institut Agama Islam Kedah (Insaniah) mendapat peruntukan RM7.3 juta daripada kerajaan negeri bagi membina bangunan tambahan di kampus induknya di sini.

Pengaruhnya, Profesor Datuk Dr. Marzuki Mahmood berkata, pembinaan bangunan tambahan yang dijangka siap hujung tahun ini akan membolehkan semua kursus dan penempatan pelajar di kampus induk.

Jelasnya, peruntukan tersebut digunakan untuk membina dua blok bangunan setinggi empat tingkat dan akan menyelesaikan kediaman para pelajar institut itu.

"Kerajaan Kedah telah meluluskan RM7.3 juta untuk membina bangunan tambahan di kampus induk Insaniah di Taman Wira Mergong di sini.

"Apabila siap kelak semua pengajian akan dipindahkan ke kampus induk dan semua kegiatan adalah sepusat," katanya

dalam kenyataan akhbar yang dikeluarkan di sini, hari ini.

Menurut Dr. Marzuki, selain kampus induk, Insaniah mempunyai kampus cabangan di Jalan Kampung Baru untuk Kulliyah Pengurusan dan Jalan Sultanah untuk Maahad Taafiz.

Jelasnya, ketiga-tiga kampus mampu menampung 1.085 pelajar dan asramanya memuatkan 821 pelajar untuk satu masa.

"Dengan adanya bangunan tambahan ini bilangan pelajar yang akan ditempatkan di asrama juga akan dapat ditambah kerana kami menjangkakan seramai 540 pelajar baru akan mendaftar pada Mei dan Jun ini.

"Insaniah juga berhasrat mendirikan sebuah bangunan pentadbiran baru dengan reka bentuk melambangkan imej Insaniah sebagai institusi pengajian tingi Islam," kata beliau.